

«In privilegi dad esser cusseglier guvernativ»

Suenter otg onns terminescha Martin Jäger sia incarica en la regenza grischuna

CUN MARTIN JÄGER HA DISCURRI
ANDREAS CADONAU / ANR

■ **La vegliadetgna da pensiun ha il cusseglier guvernativ Martin Jäger già cuntanschi ed a partir da l'onn nov po el giudair la vita da pensiunari. La politica da cultura e da scola ha fatschentà el fermamain ils ultims otg onns.**

Signur cusseglier guvernativ Martin Jäger, Voss temp d'uffizi va en paucs dis a fin, cun intensiv emnas finalas?

Martin Jäger: Las emnas suenter la sesiun dal december dal cussegl grond èn vairamain stadas invensivas. Quatter commembers da la regenza bandunan lur departaments ed uschia vulan ins anc sclerir las dumondas avertas tant sco pussaivel avant che surdar il departament en auters mauns. La glista da tractandas da las davosas sesidas da la regenza era extrem lunga. Per part uschè pulpida sco jau nun hai mai vis durant mes otg onns en la regenza grischuna. Uschia ch'il studi dad actas è medemamain stà intensiv.

Nagut cun ina midada patgifica en il temp da pensiun?

Propi betg, plitost dad ina incumbensa in buntant sur 100 procent sin nulla?

Stà intensiv

Exact, quai ch'ins cussegliava?

Jau erel gea antruras scolast. En quella clamada enconuschan ins ina destgargia da vegliadetgna durant ils davos onns da la lavur professiunala. Tar l'incarica dal cusseglier guvernativ n'è ina tala misura betg planisada.

Vus pudais profitar dad ina lunga esperienza executiva?

Jau appartegn als politichers ch'han vesi durant lur carriera tut quai ch'ins po vesair en ina tala funcziun. E sch'ins è uschè ditg da la partida vegnan ins in zichel pli calm. Era sch'ins ha magari il sentiment ch'ina chaussa saja centrala e hettica pon ins cun ina tscherta indulgenza ordinar ils schabetgs ed ins vesa la fin finala ch'ils problems nun eran talmain gronds sco quai ch'ins ha carti.

Ina tscherta indulgenza avais Vus d'aver già a l'entschatta da Voss uffizi per exempel cun la Rumantschia ed il rumantsch grischun?

Naturalmain, i ha d'aver blier temp per analizar ils basegns e problems da la scola rumantscha per preschentar soluziuns acceptablas da tuttas varts.

Vesì tut

Acceptabel da tuttas varts nun è simpel tar la Rumantschia?

En l'emprim onn da mia funcziun sco cusseglier guvernativ giaschavan las posiziuns extrem ina ord l'autra. Jau ma sa regord ad ina maisa radunda organisada da la Lia Rumantscha. Da la vart da mes uffizi avain nus proponi ina via d'amez. Tuts han crititgà vehement quel cumpromiss e valetà el per betg acceptabel. Ussa suenter blers onns è quella via d'amez tuttina sa verifitgada. Nus avain introduci quest onn il Plan d'instrucziun 21, in plan per las scolas da Berna fin Bravuogn, da Basilea fin Brusio. Nus en il chantun Grischun avain elavurà



La scola rumantscha e la lingua da scola han fatschentà Martin Jäger principalmain a l'entschatta da ses temp d'uffizi sco cusseglier guvernativ. FOTO M. HARTMANN

quel plan d'instrucziun per tut las trais linguas chantunals. Cur che nus avain tramess quel plan en la consultaziun hai dà massiva critica. Intginas vischnancas rumantschas han smanatschà cun pass giuridics sch'il rumantsch grischun chattia menziun en quel plan d'instrucziun. Ussa ha il rumantsch grischun chattà menziun en quel plan, en ina furma gista, tenor mes parairi. Per mia cumplaina cuntentientscha nun hai dà naginas protestas cur che nus avain introduci il plan d'instrucziun l'avust passà. Rumantsch grischun è part dal plan d'instrucziun, uschia ch'ils giuvenils sa fatschentan a moda passiva cun il rumantsch grischun en scola.

Betg la suletta sfida da la scola rumantscha?

Jau crai quai che pertutga la scola rumantscha essan nus sa mess atras cun raschun. Nus avain insisti sin la lescha da linguas dapertut nua che l'empruvament da sa distanziar da la scola rumantscha era avant maun. En quest regard essan nus stads consequents. Tedlar, sa fatschentar cun ils arguments ed ils differents basegns, dentant cun ina tscherta consequenza ed obstinaziun na guntgir da la via avisada.

Crititgà vehement

Durant Voss temps d'uffizi è la valur da la cultura creschida?

Quai constat, en il cussegl grond sa fatschentava la cumissiu da furmaziun e cultura avant onns bunamain sulet cun dumondas da furmaziun. Ils davos onns

è la cultura sa chatschada pli e pli fitg en il center. La revisiun da la lescha da cultura metta a disposiziun dapli meds finanzials. Il sustegn politic da la cultura na sa chapescha betg da saszez. Sco minister da cultura ha quel svilup fatg blier plaschair.

Soluziuns acceptablas

Creschidas èn era las pretensiuns?

Creschida è principalmain la scena culturala professiunala. Ella è creschida blier pli fitg ch'ils meds finanzials a disposiziun per sustegnair ella.

Pli e pli sa tschenta la dumonda schè bain la promoziun da cultura è promoziun d'economia?

Era quel aspect è sa midà fitg. Bliers lieus turistic organischeschan festivals da divers gener, festivals che vegnan sustegnids da la promoziun da cultura dal chantun Grischun. La purschida è sa schlargida vast sulet durant mes temp d'uffizi. E creschida è l'enconuschienscha che la cultura è impurtanta per il turissem e che nus dastgain preschentar nossa cultura. Ed uschia flessegian era meds da la promoziun economica en la cultura, era quai plascha a mai.

È quai cultura da divertiment ubain cultura cun ina tscherta relevanza per la societad?

Jau crai ch'i saja l'incarica da la cumissiu da cultura da guardar bain e da

giuditgar. Cultura sulet da divertiment na retschaiva nagin sustegn dal chantun.

Na guntgir la via

Tar la cultura appartegn medemamain la cuntraversa pervia dal timun dal Museum d'art. Ina charplina ch'ha fatg surstar, tanpli ch'ins è sa dumandà co in cusseglier guvernativ po provocar tantas malempernaivladads curt avant la fin da ses uffizi?

Tut n'avain nus probabel betg ponderà bain a l'entschatta. Il motiv è che nus essan stads pertutgads zic a zic tar il Museum d'art da problems da personal. Nus essan vegnids surprais da l'agen success. L'onn 2012 dumbra il Museum d'art 18 000 entradas, l'onn 2017 gia 47 000 entradas. Nus n'avain betg gi il personal a disposiziun per dumagnar quella sfida. La situaziun ha chaschunà problems.

Las reacziuns èn stadas vehementas, principalmain da la vart da la cultura. Ha quella reacziun laschà enavos in auter maletg da la scena culturala tar Vus?

Jau stoss conceder che la radunanza annuala da l'unìun da cultura, nua che bain situada e scolada glied ha cumenzà a far il «pöblen», ha bain irrità mai in pau. Enconuschentamain na dastgan ins betg comunicar a la publicitad chaussas personalas pervia da la proteziun personala e da las datas. Che la radunanza menziunada ha insisti sin quests detagls ed en tge furma, quai ha fatg surstar mai.

Per cumplaina cuntentientscha

Vus possedais ina lunga esperienza executiva, nua giascha il regl tar in tal uffizi?

Jau hai già avant onns retschavi la pusavladad da surpigliar in sez en il cussegl nazional ed hai desisti. Jau ma sent meglier en in uffizi executiv e resent per pli tensiv da sa fatschentar e sligiar problems sco part dad ina gruppa pitschna, enstagl da discurre bain en ina vitrina. Tant en il cussegl da la citad da Cuira, in'executiva da trais persunas, sco en la regenza grischuna. En il departament da la citad da Cuira avev jau 800 collavuratur, uss tar il chantun 600. Esser part da l'executiva grischuna è ina fitg interessanta e tensiva chaussa, atgnamain è quella incumbensa in privilegi.

Sco cusseglier guvernativ sanester en in parlament dominà da las partidas burghaisas èn ins pli exponi?

Igl è uschia ch'jau sun stà confruntà en il cussegl grond ed en il parlament da la citad da Cuira cun ina maioritad burghaisa. Jau hai la fin finala tuttina chattà en omadus lieus ina maioritad per mias fatschentas. A l'entschatta ha i forza dà in pau dapli critica, la fin finala han ins tuttina acceptà. Ed ins sto anc dir che las fatschentas èn stadas fatschentas da la regenza e na sulet da Martin Jäger.

Fermas debattas

Il princip da la collegialitad en la regenza ha funcziunà?

Ina regenza en dispità en la publicitad u che communitgescha curt suenter la sessida tgi ch'ha votà co è ina regenza flai-vla. La regenza grischuna ha demussà caracter ils onns passads cun setegnair vin dal principi da la collegialitad. Igl è in fatg che la regenza ha debattà ferm entaifer il gremi, las decisziuns èn dentant vegnidas purtadas da tuts e nagin ha derasà il sentiment che la regenza haja decidi fauss.

Purtà satisfacziun

I dat segir chaussas en Voss temp d'uffizi che statan en buna memoria?

Per mai èn las midadas durablas essenzialas. Naturalmain ha i da puncts culminants. Sco per exempel la festa dals jodaders a Tavau nua ch'jau hai dastgà tegnair in pled sco jodlader activ en il num da la regenza grischuna. U la festa a favur da *Dario Cologna* e sia medaglia dad aur nua ch'jau hai gratulà sco minister da sport. Quai èn dentant muments singuls. La lavur da la regenza sa mussa a lunga vista vi da quai che stat. En la legislaziun avain nus fatg intgins gronds pass. La revisiun totala da la lescha da scola oriunda dals onns 60 cun impurtantas novaziuns per la scola. En auters chantuns n'è quai betg reussi. Alur l'emprima lescha da scola auta e da perscrutaziun, la lescha da sport grischuna cun in concept da promover il sport. La lescha da la promoziun da cultura ch'ha tranter auter purtà sustegn als museums regionalis. Era la lescha da las scolas medias, in tema dispitivel, la fin finala acceptada dal cussegl grond cun 117 cunter nulla vuschs. Quai porta ina tscherta satisfacziun da retschaiver sco cusseglier guvernativ socialdemocrat in tal sustegn per ina fatschenta.



Martin Jäger è stà duas giadas deputà per la citad da Cuira. Ils otg onns passads è el stà cusseglier guvernativ dal chantun Grischun. FOTO P. DE JONG